



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Ioannis Berchmanni Flandro-Belgæ Religiosi Societatis Iesv

Cepari, Virgilio

Antverpiæ, 1630

Progressus in litteris.

[urn:nbn:de:hbz:466:1-46083](https://nbn-resolving.org/urn:nbn:de:hbz:466:1-46083)

ternisve Sacris prius ministrare respondit, quàm ad ludum iret, vt benè sibi studia ver- tant. Quantumuis puer, numquã rem vllam puerilem designauit, sed instar alterius cuius- dam Tobiaë, grauitatem, quam animo tene- ro præceperat, semper præstitit. A scholis do-

*Specimen
sanctitatis.*

num reuersus, si fortè pulsata diutiùs ianuã excluderetur, non ille impatientiùs aliorum puerorum more strepitum machinari, sed se- nili quadam maturitate in vicinam ædem Rosarij persoluendi causã abire consuërat. Cùm ægra mater annorum aliquot inualetu- dine teneretur, ipse necdum nouem annorum puer, verbis eam tam concinnis, tam apposi- tis, tantoque affectu plenis consolari insti- tuit, vt attonitas haberet circumstantium au- res. Decennium ingressus, præstabat iucun- dã quadam acceptissimaque oris formã, ac tantã in eo comitas ex vultu, gestu, sermone, consuetudine eminebat, vt iam tum inde ho- nestissimi quique, egregiã pueri festiuitate ca- pti, eum sibi dari à parente in familiam flagi- tarent. Ac siue ea fuerit pueri hac ætate na- tura siue virtus, non ferebat, vel à sacris Deo Virginibus, vel ab feminis vllis, virisve (ne vestium quidem suarum, dum dissutæ es- sent, sarcendarum causã) sese attrectari. Puer annorum decem alteri Magistro à pa- rente commendatus, tantos in Grammaticæ

*Pietas in
matrem
ægotam.*

*Forma &
pudicitia
concordia.*

*Progressus
in litteris.*

studijs habuit progressus, vt breuî & post se relinqueret æquales, & reliquos, qui ætate scientiaque præcallebant, assequeretur. Vel semel rem aliquam audiuisse, vel legisse, vt eam memoriâ retineret, retentamque memoriter pronuntiaret, id scilicet satis Ioanni erat; ita in memoriâ eius vel leuiter lecta auditaque infidebant. Hanc ob rem cum Magistro tam esset charus, vt prodigij instar eum ipse celebraret, alijsque proponeret in exemplum; nonnumquam ita ab eo apud patrem est collaudatus, vt is gaudio perfusus, & Clerici veste Ioannem (quam diu ille optauerat) prætextæ instar honoraret, & in contubernium traderet D. Petro Emmerico Præmonstratensi Religioso, Templi beatæ Virginis Diesthemij per id tempus Curioni, qui plures domi iuuenes erudiebat, cuius conuictu Ioannes triennium deinde vsus est. Ad eò se ad obsequium huius Religiosi fingebar, vt eum parentis loco veneraretur, eiusque lateri perpetuò affixus, vix ad parentis domum, etsi haud longè distâtem, nisi perrarò, digrederetur. Et verò iam tum, quantâ solitudinis dulcedine caperetur, apparebat; cum & subinde colludentium collegarum circulis dexterè subduceret sese, abderetque in Museum ad legendum aut orandum; planè vt sæpiùs Moderatores duxerint eum cubiculo extrahendum

*Memoria
felicitas.*

*Quo contu-
bernio al-
tiss.*

*Obsequendi
studium.*

*Amor soli-
tudinis.*